

THEATRELIFE.GE

KA ▼

ქართული თეატრის ელექტრონული არქივი

და მაინც, რა დავარქვით?

სტატია მომზადდა საქართველოს შოთა რუსთაველის თეატრისა და კინოს სახელმწიფო უნივერსიტეტის პროექტის „თანამედროვე ქართული სათეატრო კრიტიკა“ ფარგლებში.

დაფინანსებულია საქართველოს კულტურის სამინისტროს მიერ.

სტატიაში მოცემული ფაქტების სიზუსტეზე და მის სტილისტიკურ გამართულობაზე პასუხისმგებელია ავტორი.

რედაქცია შესაძლოა არ იზიარებდეს ავტორის მონაზვნებს



13.07.2026

გიორგი ყაჯრიშვილი და მაინც, რა დავარქვით?


დღევანდელი ჩემი ჩანაწერი, უფრო ოპუსია ვიდრე რეცენზია, ვინაიდან წარმოდგენას რაზეც ვცდილობ დავწერო, სამწუხაროდ მოკლებულია სრულყოფილებას და თანაც დაუმთავრებლად მეჩვენება.

ოთარ ქათამაძის პიესა „დაარქვი რაც გინდა“ ჟანრობრივად აბსურდის თეატრს უნდა მივაკუთვნოთ, რადგან იგი გვაგონებს სემუელ ბექეტის „გოდოს მოლოდინს“ და უფრო მეტად ჟან-პოლ სარტრის „ცხრაკლიტუს“ (Huis clos). გარდა ფორმისა და სტილისტიკისა ამბავიც, რაც ერთმანეთს და მეორეშიც ხდება ძალიან ჰგავს ერთმანეთს. გამოუვალ სიტუაციაში მოხვედრილი პერსონაჟები, ამაოდ ცდილობენ იმ ტრაგიკული მდგომარეობიდან გამოსვლას, ზოგი ზნეობრივად, ზოგი ფიზიკურადაც კი, სადაც ნებისთი თუ უნებლიედ მოხვდნენ.

პიესის ავტორი, ამავდროულად რეჟისორი და მსახიობი თვითონ ცდილობდა ამ ნაწარმოების სწორედ ბათუმის ილია ჭავჭავაძის სახ. პროფესიული დრამატული თეატრის სცენაზე გადატანას, თუმცა ყველასთვის ცნობილი მიზეზების გამო (იგი ტრაგიკულად დაიღუპა ზუსტად ერთ წლის წინ) ეს წარმოდგენა ვერ შედგა. სპექტაკლი მისმა კოლეგამ რეჟისორმა გაბრიელულ (გაგა) გომამემ დაასრულა. რთული ახლა განჭვრეტა იმისა, როგორ ესაზებოდა ეს პიესა ავტორს სცენაზე, თუმცა მგონია, რომ დაწყებული რეპეტიციები თავისთავად ასეთ ფორმას სთავაზობდა დამდგმელ კოლექტივს.

სპექტაკლს შპრახსტალმაისტერი (ცირკის კონფერანსიუ - მიხეილ ლომიძე) იწყებს და საცირკო სანახაობაზე გვეპატიჟება. ორი ჯამბაზი, ტყუპი ძმები ტრიო (გიორგი ყურავა) და ზალპე (თორნიკე ბარამიძე) ერთ სკივრიდან ამოდიან და მაყურებელთა მიერ შექმნილ ჩაკეტულ წრეში აღმოჩნდებიან. დამსწრეთა ასეთი განლაგება, ჩემი აზრით დრამატურგიული (ავტორისეული) ჩანაფიქრია, რაც თავისთავად იმ შემოსაზღვრულ გარემოს ქმნის, სადაც მოქმედება ხდება და საიდანაც მცდელობათა მიუხედავად პერსონაჟები მაინც ვერ გამოდიან. გარემო ცირკის არენას მოგვაგონებს. ეს ტყუპები, სავარაუდოდ ცირკ შაპიტოს ჯამბაზები არიან და შპრახსტალმაისტერის კატეგორიული მოთხოვნითა და ძალადობითაც კი ჰყვებიან ამბებს, წარსულის ისტორიებს, რაც თავად გადახდათ. მათი საუბარიც აბსურდის თეატრის ტექსტების დამახასიათებელია; საუბრობენ, რაღაცაზე, ვიღაცაზე, რაც ერთმანეთთან ლოგიკურ ბმაში არაა, თუმცა მთლიანობაში კონკრეტულ შემთხვევაში ეს ალბათ პიესის ნაკლად უნდა ჩაითვალოს. მწელია გაარკვით ეს ცირკის წამოდგენა, ემოციებითა და განცდებით, თუ აქედან გაღწევის მცდელობა. შევჩერდეთ ამ უკანასკნელზე.

სკივრი-ჩემოდანი ძველია, ერთადერთი ნივთი რაც ცირკის არენაზე დგას და ორი დამხმარე ელემენტი, ზევიდან ჩამოშვებული თოკი - აქედან გაღწევის იმედის წყარო და ყვითელი, თითქმის ქვიშით დაფარული თეატრალური ლუკი, რასაც პირიქით შპრახსტალმაისტერი ამ ძმის უკან ჩემოდანში დასაბრუნებლად იყენებს. ჩვენს წინ გათამაშებული მოკლე ამბავი, ტრაგიკული და სულისშემძვრელია და ამ ამბის უკან იმალება ავტორის მძიმე განცდა შექმნილ მდგომარეობიდან



გამოუსვლელი შესახებ. ვინც ოთარ ქათამაძის ბოლოდროინდელი ცხოვრების პერიპეტიებს იცნობს გასაგები გახდება ის სათქმელი რაც პიესის ავტორს სურდა გადმოეცა. ამავედროულად მგონია, რომ პიესის არასრულყოფილება, (ან დაუსრულებლობამ) რეჟისორს არ მისცა საშუალება უფრო გაეღრმავებინა, ნათლად გამოეხატა მთავარი სათქმელი, უფრო სახიერი და ცხოველყოფილი გაეხადა გამოუვალი მდგომარეობის სიცხადე. თუმცა უნდა ითქვას რომ სამივე მსახიობმა არ დააკლეს მცდელობა ნათლად წარმოედგინათ პერსონაჟთა ხასიათი, მათი ურთიერთდამოკიდებულება და ერთ „ცოდვაში“ აღმოჩენილი ორი ტყუპი ძმის ტრაგედია.

ეს სპექტაკლი ბათუმის და ახმეტელის თეატრებიც ორგანიზებული ოთარ ქათამაძის ხსოვნის დღეების ბოლო წარმოდგენად იქცა. სადაც მისმა კოლეგებმა და თანამოაზრეებმა მოიყარეს თავი და პატივი მიაგეს მის ხსოვნას.